



ATASSUT

UPA14/76-1

Knud Kristiansen

14.05.2014

Ulloq 1. januar 2015 aallarnerfigalugu ukiuni tulluuttuni sisamani KNR-mut aningaasaliissutit qaffannissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut. Aningaasaliissutit ilassutaat tusagassiortut immikkut qaqilerilluni radiomi, tv-mi qarasaasiamilu nutaarsiassalerinermut taamaallaat atorpeqassapput.

(Inatsisartunut ilaasortaq Andreas Uldum, Demokraatit)

Demokraatit sinnerlugit Inatsisartuni ilaasortap Andreas Uldum-ip Inatsisartut aalajangiiffigisassaattut siunnersuutaannut imatut ATASSUT-mit oqaaseqassaagut:

ATASSUT-mit pingaartilluinnarparput innuttaasut tusagassiutitigut nutaarsiassanik, paasissutissanik, aliikkusersuutinik aammalumi qulaajaalluni qaqilerilluni aallakaatitassianik immersorneqarsinnaanerat. Naak naalakkersuinikkut suliaqarnermi tamatigut tusagassiuteqarfiit assigiinningsut isumaqatigiuaannanngikkaluaratigut, taamaattoq ATASSUT-mit ataqquilluinnarparput tusagassiutit pituttungaanatik akisussaassuseqarlutilli tusagassiorsinnaatitaanissaat.

ATASSUT-mit malinnaaffigeqqissaarpavut KNR-imut tunngatillugu suliat ingerlaartut – soorlu siulersuisoqarnermut tunngatillugu Naalakkersuisut Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaata qanimut suleqatigineqarnera tassuunakkullu aamma suliat KNR-imut ilaatigut tunngassuteqarsinnaasut peqataaffigalutigit.

Taamaattumik ATASSUT-mit pissusissamisoorsorineruvarput KNR siunissamut pilersaarutit saqqummiunneratigut suut aningaasatigut immikkut pisariaqartitsiviginerlugit saqqummiuppatigit,



ATASSUT INATSIARTUNI

uagummi naalackersuinikkut kifartuussinissamik isumaqatigiissutit aqutigalugit tusagassiorfik suleqatigissallugu pissusissamisoornerutipparput – KNR aammalumi tusagassiorlut qulagersimaarnagit – ATASSUT-mit upperaarpur suliat nammineq akisussaaffigalugit aallukkusutat aallunneqaraagamik annermik suliffeqarfimmut, sulisumut kifartuussamullu pissarsiaqaataasarnera.

Taamatut ATASSUT-mit oqaaseqarluta siunnersuutip taamatut isikkoqarluni itigartinneqarnissaa innersuussutigissavarput.